



Inatsisartuni ilaasortaq
Kristian Jeremiassen
-/maanni

Dronning Ingridip Napparsimavissuani napparsimasut unninngasut pillugit Inatsisartuni ilaasortap Kristian Jerimiassenip, Siumut § 37 naapertorlugu apeqquteqaataanut allakkatigut akissut

23. november 2012
Sagsnr. 2012-077044
Dok. Nr. 1068766

Postboks 1160
Tlf: 34 50 00
Fax: 32 55 05
3900 Nuuk
Email: pn@nanoq.gl
www.nanoq.gl

Inatsisartunut ilaasortap apeqquteqaataanut qujavunga.

Makku apeqqutigineqarput:

1. **Dronning Ingrid-ip Napparsimmavissuani nakorsiat sooruna torsuusarsuarni inuit aqputaanni ulloq unnuarlu assiaqusilaaginnarlugit ilaanniluunniit assiaqusernagit inissinneqartartut?**
2. **Qaqagu Dronning Ingrid-ip Napparsimmavissuani torsuusarsuarni nakorsiat ineqartinneqassaassappat?**
3. **Isumannaallisaanikkut Dronning Ingrid Napparsimmavissuani unioqutitsinerua nakorsiat torsuusarsuani ineqartinneqartarnerat?**

Apeqqutigineqartunut akissutissat imminnut attuummassuteqarmata Inatsisartunut ilaasortap Kristian Jerimiassenip apeqqutigisai pingasuusut ataatsimoortillugit akissuteqartigissavakka.

Dronning Ingridip Napparsimavissuani inissaqarniarneq eqqarsaatigalugu piffissap ilaani inissaalatsinermik ajornartorsiuteqartoqartarpoq. Tassunga tunngatillugu erseqqissaatigissallugu pingaaruteqarpoq peqqinnissaqarfiup aqutsisuisa uannut qulakkeerlugu oqaatiginikummassuk aqutsisunit qulakkeerneqarsimasoq isumannaallisaanikkut piumasaqaatit malinneqarnissaat, napparsimasut ulorianartorsiortinneqannginniassammata.

Aqutsisut ajornartorsiut sissuertonujussuuat, napparsimasullu torsuusarsuarnut inissinneqartarunnaarnissaannik qulakkeerisussanik suliniutinik aallartitsereerlutik. Aqutsisut qulakkeerniarpaat:

1. Suliniummik aqqissuulluakkamik aallartitsisoqassaaq napparsimasut passunneqartut pitsaasumik sullinneqartalernissaat anguniarlugu.
2. Pinasuartumik katsorsartittariaqartunut immikkoortortap iserterfigineqarneranut atatillugu inissat siniffinnik arfilinnik ilaneqassapput. Inissat arfinillit taakku napparsimasunut naammassillutik katsorsartereersimasunut kommuninit isumagineqartussanngorlutik utaqqisunut atorneqartassapput.

Aqutsisut neriuutigaaq suliniutit siuliani taakkartorneqartut aqutugalugit nakorsiat torsuusarsuarmiitinneqartarnerat siunissami pinngitsoorneqarsinnaalissasoq.

Inussiarnersumik inuullaqqusillunga